

秘傳花鏡

秘傳花鏡卷之四

西湖花隱陳洪子訂輯

藤蔓類攷

竹

天壤間似木非木似草非草者竹與芝是也茲特冠竹
芝於藤蔓之首者因其秀雅靈奇而尊之也至若遐方
異品亦間附於後誌怪也

竹乃植物也隨在有之但質與草木異其形色大小不同竹根
曰菊旁引曰鞭鞭上挺生者名筍筍外包者名籜過母則籜解

名竿竿之節名約初發梢葉各篲梢葉開盡名簕竿上之膚名
筠古人取養獨詳按竹之姦虛心密節性體堅剛值霜雪而不
凋歷四時而常茂頗無天艷雅俗共賞故戴凱之有竹紀六十
一品今復詳載於後其性喜向東南移種須向西北角方能滿
林語云種竹無時遇雨便移多留宿土記取南枝又五月十三
日爲竹醉日是日種者易活移時必須連根鞭埋下覆土後勿
以脚踏只用拖擊數下壅以馬糞礱糞次年便可出筍竹初出
時看根下第一節生單枝者是雄竹宜去生雙枝者是雌竹善
生筍最忌火日移栽每至冬月當以田泥或河泥壅根若瘞以

死猶能引他人之竹過牆。如不欲其過牆。須掘一溝。便止。長至四五年者。卽宜伐去。庶不得新笋。如笋生。花結實。似稗。謂之竹米。不久滿林皆枯。治法在初花時。擇一二十大竿。截去。止留下三尺。打通其節。以糞填實之。則花自止。竹亦不敗矣。種竹有四字訣。疎密淺深。則盡之矣。疎者。謂三四尺方種一顆。欲其土虛。易於行。鞭也。密者。大其根盤。每顆須三四竿一堆。使其根密。自相維持也。淺者。入土不甚深也。深者。種時雖淺。每用河泥厚壅之。則深也。又移須多帶宿土。勿踏以足。則易活。一云。八月初八及每月二十。若遇雨。皆可移。又竹滿六十年。一易根。必結實。枯死。

其實落地養生六年遂成畦矣

江南餘干有竹實大若雞卵葉包饒味甘

附竹釋名共三十九種

諸異竹

十二時竹

唐鄭州統節凸生子丑寅卯等十二字安福周後叔家得此種亦造物之奇也篋篋竹新

州一枝百葉皮利可為礪

中用久微滑人面竹幾寸近本逮

以酸漿並溫宿復快利如劍

多作弩箭人面竹

二大筒徒四面泰芒竹皮有

如魚鱗面凸頗似人之面棕竹有三種上曰筋頭篋短葉

列庭階再次橫竹節稀葉梗但可制作扇骨細微之

挑絲竹

用其新似竹非竹黑色有皮心實肉內有白縹紋

然若長出巴渝閬中管者細紋一節四尺四季竹

圓取為樂器聲中管者若

湘妃竹黃黑斑點紋旋轉而細如

如淡痕狀竹金鑲碧篔簹竹產自武都近口浙杭亦有與常竹

之最貴者孝順竹幹細而長作大叢夏則節從中發涼讓母方竹產於

桃源杭州今江南俱有帶方有如鳳尾竹紫幹高不過二三

制成而勁挺堪為柱其亦異品也鳳尾竹尺葉細小而荷那

類鳳毛盆種貓竹異於他竹人取編牌作舟或造屋皆可

可作清玩新竹出楚郡蘄州王人取其色之雙竹生浙之武林西山其

蘄竹出楚郡蘄州王人取其色之雙竹生浙之武林西山其

最可愛龍公竹產自羅浮山其徑六七尺紫竹出南海普陀

色深紫段之可為弓竹產於東方本長百尋其曲如藤狀而

簫管今浙中皆有弓竹必得大木乃倚而上質有文理木

亭竹空在雲夢之南其幹似期年桂竹出自南康麻竹高四

似甘草皮思摩竹奇在筍自節生竹成竿之後月竹產於江

而赤色其節中復又生筍出海外月竹南嘉定

而叢生有如前揖
 斑竹產於吳越諸山其斑紋雖不及墨竹其狀如古藤長有
 理之黑大夫竹以其修長幹直凌雲圍有龍鬚竹生辰州及
 間萬不盈尺而枝幹細僅如針臨賀竹其幹之大至有十抱
 可作盆玩但遇冬不可見霜雪龜文竹產於寶陀岩昔年
 賀慈竹其幹內實而節疎性弱而龜文竹僅一本以之製扇
 甚奇今不相思竹出自廣東似雙竹而差疎節竹其幹最高
 可得矣一寸計出自丹青竹出自自熊耳山其葉有三通節竹
 黎母山陽丹青竹色黃青丹相問而生通節竹產於漆
 直上無節而中心空凝波竹其枝葉皆似常竹但有紅浦竹
 洞無陽亦異種也花開似安石榴亦奇種也
 昔傳是竹長百丈出自南偏竹其幹極扁出員丘其口
 荒之域附此以誌異月

竹

漢武時道人聞
新洞致叩竹

徑寸竹

蘇湖湘可
爲甌用

觀音竹

出占城國

靈芝

靈芝一名三秀。王者德仁則生。非市食之菌。乃瑞草也。種類不同。惟黃紫二色者。山中常有其形。如鹿角。或如繖蓋。皆堅實芳香。叩之有聲。服食家多採歸。以蘿盛置飯甑上。蒸熟晒乾藏久不壞。備作道糧。又芝草一年三花。食之令人長生。然芝雖稟山川靈異而生。亦可種植。道家植芝之法。每以糯米飯搗爛。加雄雞鹿頭血。包曝乾。冬筭候冬至日。埋於土中。自出。或灌藥入老樹腐爛處。來年雷雨後。即可得各色靈芝矣。雅人取置盆松之下。

蘭蕙之中。甚有逸致。且能耐久不壞。

附靈芝釋名 共計四十一品

五色芝 五品

赤芝 一名丹芝。色如珊瑚。其體堅異。黃芝 一名金芝。色如紫

於嵩山之十。黑芝 一名玄芝。色如澤漆。其食之不老。光潤可愛。生於常山。青芝 一名龍芝。色

多產於泰山。白芝 一名素芝。色如凝脂。生華山。唐時延英殿御座上生王芝。一莖有三花。

木芝 十一品

千歲芝 生於轉木下。根如坐人。刻之有血。取血塗之。足可行。水隱形。延年却疾者。水威喜芝 生於松

角地。化為茯苓。歲久。生小木。狀似飛節。芝生千年。老松上。童花。夜視有光。執之不焦。服之得血。飛節芝皮中有脂。其脂

可以長生之木渠芝寄生大木上狀似蓮花而一黃蘗芝生於

千年黃蘗根下另有細根叢有九莖味則苦而帶辛建木芝

如絲縷服之可得地仙其形如車馬食之燹桃芝木如龍花如

生都廣皮如五德芝者壽可得千歲燹桃芝丹藥實如飛

草芝 十三品

九光芝形如盤樣生陸九莖芝幹九莖其色紅黃可愛

龍仙芝形似昇龍相負白雲芝生名山白石之陰青雲芝青

三重其理則獨搖芝根大如斗莖粗如牛角芝生虎壽山形

赤食之主壽指能無風自動牛角芝似蒸而特出

類紫珠芝莖黃葉赤實如李火芝葉赤而莖青昔為九曲芝

九曲每曲三葉實而紫色生盤川白符芝似梅大雪開花夜光芝生華陽洞

光浮鳳麟芝其苗如龍而結實若桃雲母芝生山陰時有雲護金芝漢

康中金芝九莖連葉生于函德殿銅池又唐上元二年合祥院產金芝

石芝 七品

玉暗芝生於有玉之山狀似烏獸色無常形多七明芝生臨

崖間葉有七孔實堅如石夜見其石蜜芝生少室石戶中桂

芝生石穴中似桂樹乃石腦芝出自石中金蘭芝冬生於山

芝石也色光明味辛月精芝秋生山陽石上

肉芝 五品

人掌芝藤陵諸靜之攝也得一物類人掌烹食之後遇一

人見其神氣不止語曰予得食肉芝自此壽可

芝類
明成化間長洲產肉芝其形類
千歲龜

千歲蟾蜍
燕胎芝
因其形似皆肉芝也

芝原仙品其形色變幻莫可端倪故有靈芝之稱惟有綠者得遇之耳據採芝圖所載名具有數百種茲止錄其十分之三以備山林高隱之士為服食參攷之一助也。

凌香花

凌霄一名紫葳又名陵苻鬼目蔓生必附于木之南枝而上高可數丈蔓間有鬚如蝎虎足着樹最堅牢。凡則本大如盃春初生枝一枝數葉尖長有齒深青色開花每枝十餘朵大若牽牛

狀花頭開五瓣。上有數點黃色。夏中乃盈。深秋更赤。八月結莢。如豆角。長三寸許。子輕薄如榆仁。用以播。綉石。自是可觀。但花香劣。聞太久。則傷腦。婦人聞之。能墮胎。不可不慎。昔洛陽富韓公家植一本。初無所依附。而能特立。歲久遂成大樹。亭亭可愛。亦草木之出乎其類者也。

眞珠蘭

眞珠蘭一名魚子蘭。枝葉有似茉莉。但軟弱。須用細竹幹扶之。花卽長條細莖。莖大便是花開。其色淡紫。而萼蕾如珠。性宜陰濕。又最畏寒。霜降後。須同建蘭茉莉一樣入窖收載。若在閩中。

則又當別論矣。三月初方可入窖。當以魚腥水五日一澆。雖喜肥。却忌澆糞。我與建蘭同時。其香相似。而濃郁尤過之。好清者勿取其蕊。以焙茶葉甚妙。但其性毒。止可取其香氣。故不入藥。

茉莉

茉莉一名抹利。東坡名曰暗麝。釋名鬘華。原出波斯國。今多生於南方暖地。北土名奈木。本者出閩廣。幹粗莖勁。高僅三四尺。藤本者出江南。弱莖叢生。有長至丈者。葉似茶而微大。花有單瓣重瓣之異。一種寶珠茉莉。花似小荷。而品最貴。初蕊時如珠。每至暮始放。則香滿一室。清麗可人。摘去嫩枝。使之再發。則枝

繁花密。以米泔水澆。則花開不絕。或浸皮屑。有經用或黃豆汁。有可用并糞水皆可。性喜煖。雖烈日不懼。但五六月間。每日一澆。宜於午後至冬。卽當加土壅根。霜降後。須藏暖處。清明後方可出。尤怕春之東南風。故藏宜以漸而密。出亦宜以漸而敞。如土藏太乾。日暖時。畧澆冷茶。直待芽發後。方可澆肥。梅雨時。從節間摘斷。將折處劈開。歲欺大麥一粒。以亂髮纏之。并插肥喉地內。卽活。若根下生蟻。灌以烏頭冷湯。卽無。如換盆過。須易新土。更妙。六月六日。宜用魚腥木一澆。或鹿糞。或雞屎壅最盛。又聞閩廣有一種紅黃二色茉莉。余實未之見。想亦不易得之物也。

萬年藤

萬年藤一名天棘。生於金陵牛首山及浙之東天目。條青。魏至今者其本大如桶。葉如綠絲。古致不同。誠神物也。春間根旁嫩苗可以分植。

紫藤

紫藤喜附喬木而茂。凡藤皮著樹。從心重重有虛。其葉如綠絲。四月間發花。色深紫。重條綽約可愛。長安人家多種。飾庭院以助喬木之所不及。春間取根上小枝分種自活。

蒲萄

蒲萄。俗名李桃。張騫從大宛移來。近日隨地俱有。然味不如北
地所產之大而甘。蔓梗柔條。葉盛枝繁。極其長大。延蔓可數十
丈。必依架附木。若蟠之高樹。其實纍纍懸掛可觀。三月開黃白
小花。成穗實圓如櫻桃。有紫白黃三色。白名水晶。紫名馬乳。蜀
中又有純綠者。夏中坐卧其下。葉密陰厚。納涼最宜。富室取其
貫。榨汁作酒甚美。春分剪其枝。插肥地。卽活。結子後卽宜剪去
繁葉。使受雨露之滋。則實易肥大而甜。每日澆以冷茶。間兩日
澆水。或用米泔水和黑豆皮。或以養肉淡汁澆之。不宜用糞。若
以此藤穿聚木而生者。味更甘美。入麝香於其皮內。則蒲萄熟

時盡帶香味。可口。十月終落葉後。去根一步許。掘一大坑。收捲其枝條。悉埋之。細枝莖嫩。恐傷雜。襯以黍穰。更佳。如無黍穰。竟以土蓋。亦無礙。因其性不耐寒。不埋恐凍死耳。待二月中。還出舒於架土。若歷歲久而幹老者。只須穰草覆之。南方則不必坑矣。凡扦插在正月下旬。取肥枝長四五尺者。捲爲小圈。令緊。先治地極肥。鬆種之。止留二節在外。俟春氣發動。衆萌盡吐。而土中之節不能條達。則莢華盡萃於出土之二節。不二年而成棚矣。又波斯國蒲荷。有大如雞卵者。土魯國蒲荷。有小如胡椒者。名瑣瑣蒲荷。無核而味更甜美。物之不齊。地土使然也。

枸杞

枸杞一名枸櫞一名羊乳。南北山中及丘陵墻畝間皆有之。以其棘如枸之刺。葉如杞之條。故兼二木而名之。生於西地者高而肥。生於南方者矮而瘠。歲久本老。虬曲多致。結子紅點若綴頗堪盆玩。春生苗葉微苦。漬過可食。秋生小紅紫花。結實雖小而味甘。澆水必清晨。則子不落。壅以牛糞則肥。多取陝西甘州者。因其子少而肉厚。人藥最良。其莖大而堅直者。可作杖。故俗呼仙人杖。

大蓼

天蓼一名木蓼。非草也。產於天台四明二山。本與梔子相類。其
葉冬月不凋。花開黃白色。結實如棗。但未審蓼之性何來。子可
爲燭。

棣棠花

棣棠花。藤木叢生。葉如茶藨。多尖而小。邊如鋸齒。三月開花。金
黃色。圓若小球。一葉一蕊。但繁而不香。其枝比薔薇更弱。必延
蔓屏樹間。與薔薇同架。可助一色。春分剪嫩枝。并於肥地。卽活。
其本妙在不生蟲螻。

薔薇

薔薇一名買笑。又名刺紅玉雞。藤本青莖多刺。宜結昇種。花有五色。達春接夏而開。葉尖小而繁。經冬不大落。一枝開五六朵。深紅薔薇大花。粗葉最先開。荷花薔薇千葉淺紅似蓮。刺梅堆千葉大紅。花如刺繡所成。開最後。又有淡黃薔薇。金黃之異。爲薔薇中之上品。但易盛而難久。白者類玫瑰而無香。若寶相亦有大紅粉紅二色。其朵甚大而千葉塞心。可爲佳品。又有紫者。黑者。出白馬寺。正月初剪肥嫩枝長尺餘者。插於陰肥之處。卽活。但不可多肥。太肥則腦生莠虫。如有虫以煎銀鋪中爐灰撒之。則虫自死。夏間長嫩枝時有黑翅黃腹小飛虫。各鋪花娘

子。以簪入枝。極生子。三五日後。出細青虫。而嘴黑者。食葉傷枝。殆盡。大而又變前虫。專在玫瑰薔薇。月季。十姊妹等樹上生活。見則速宜捉去。以免食葉之患。又薔薇露。產瓜哇國。以一滴置盆湯內。滿盆皆香。沐面盥手。可以竟日受用。

玫瑰

玫瑰一名徘徊花。處處有之。惟江南獨盛。其木多刺。花類薔薇。而色紫。香膩馥郁。愈乾愈烈。每抽新條。則老本易枯。須速將根旁嫩條。移植別所。則老本仍茂。故俗呼爲離娘草。嵩山深處有碧色者。燕中有黃色者。花差小於紫玫瑰。每年正月盡。二月初。

分根種易活。若十月後移。恐地脈冷。多不能生。凡種難於久遠者。皆緣人溺澆殺之也。惟喜穢污澆壅。但本太肥則易悴。不可不察。此花之用最廣。因其香美。或作扇墜香囊。或以糖霜同烏梅搗爛。名爲玫瑰醬。收於磁瓶內。曝過經年。色香不變。任用也。

月季

月季一名鬪雪紅。一名勝春。俗名月月紅。藤本叢生。枝幹多刺。而不甚長。四季開紅花。有深淺白之異。與薔薇相類。而香尤過之。須植不見日處。見日則白者一二紅矣。分栽種并俱可。但多蟲莠。須以魚腥水澆。人多以盆植爲清玩。

木香花

木香一名錦棚兒。藤蔓附來。葉比薔薇更細小而繁。四月初開花。每類三蕊。極其香甜可愛者。是紫心小白花。若黃花則不香。卽青心大白花者。香味亦不及。至若高架萬條。望如香雪。亦不下於薔薇。剪條扦插。亦可。但不易活。惟攀條入土。壅泥壓護。待其根長。自本生枝外。剪斷移栽。卽活。臘中糞之。二年大盛。

野薔薇

野薔薇一名雪客。葉細而花小。其本多刺。蔓生籬落間。花有純白粉紅二色。皆單瓣。不甚可觀。但香最甜。似玫瑰。多取蒸作露。

花鏡

卷之四

三

採含蕊拌茶亦佳。患瘧者。烹飲卽愈。若花卸時。摘去其蒂。猶如鳳仙花。開之無已。此種甚賤。編籬最宜。

十姊妹

十姊妹又名姊妹花。似薔薇而小。千葉。啓日一蓓十花。或七花。故有此二名。色有紅白紫淡紫四樣。正月移栽。或八九月扦插。未有不活者。

縷絲花

縷絲花一名刺摩。葉圓細而青。花儼如玫瑰。色淺紫而無香。枝葉皆有刺鉤。每逢黃繭縷絲時。花始開放。故有此名。二月中根

可分栽

茶藨花

茶藨花一名佛見笑。又名獨步春。百宜枝。雪梅墩數名。蔓生多刺。緣葉青條。須承之以架。則繁花。有三種。大朵千瓣。色白而香。每一穎者三葉如品字。青附紅萼。及大放則純白。有蜜色者。不及黃薔薇。枝梗多刺而香。又有紅者。俗呼番茶藨。亦不香。詩云。開到茶藨花事了。爲當春盡時開也。種則攀條入土。壅之以肥泥。候其枝長。剪斷移栽自活。

千歲藥

花鏡

千歲藥生太山深谷間。藤蔓如葡萄。實似桃而多緣木上。汁白而味甘。子亦可食。但酢而不甚美。在土人亦不棄也。

柳穿魚

柳穿魚一名二至花。莖甚細而色微紅。謂之柳穿魚者。以其枝柔葉細似柳。而花似魚也。其花發於夏至。歛於冬至。故名二至花。又名如意花。性喜陰燥而惡肥糞。宜用豆餅浸水澆。或熟豆壅根亦可。吳門花市多結成樓臺鳥獸形以售。

珍珠花

珍珠花一名玉屑。葉如金雀。而枝幹長大。三四月開細白花。

綴於枝上。繁密如字。婁狀俗名字婁花。非。春初發萌時。可以裁。

鳳尾焦

鳳尾焦一名番焦。產於鐵山。江西福建皆有。葉長二三尺。葉
出細尖瓣。如鳳毛之狀。色深青。冬亦不凋。如少麥黃。卽以鐵燒
紅釘其木上。則依然生活。平常不能烈。惟以生鐵屑和泥壅之
自茂。且能生子。分種易活。極能辟火患。人多盆種庭前。以爲玩。

玉藥花

玉藥花。向爲唐人所重。故唐昌觀有之。集賢院有之。今自招隱
寺得一木。夏若茶藤。冬凋春榮。葉似松。莖微紫。花苞初甚細。經

月漸大暮春方入出。鬚如冰絲上綴金粟。花心復有碧筩狀。類
膽瓶。其中別抽一莢。出衆鬚上散爲十餘蕊。猶刻玉然。世多未
之見。亦猶瓊花之難得也。

錦帶花

錦帶花一名鬚邊嬌。三月間開。蓓蕾可愛。形如小鈴。色內白而
外粉紅。長枝密花如曳錦帶。但艷而不香。無子。亦有深紅者。一
樹常開二色。有類海棠。植於屏籬之間。頗堪點綴。種法於秋分
後剪五寸長枝。插懸土中。每日澆清糞水。良久自活。

鴛鴦藤

蔓莖花之名。恐冬。隨處有之。延蔓。附樹。莖色紫。有甚心方。之。其嫩莖色青。有毛。葉生。到節。似薜荔。三四月間。開花。不絕。長。其許。一蒂。兩花。二瓣。一大一小。長。莖初開。則莖瓣俱白。經二三。日。則變黃。新舊相參。黃白相映。如飛鳥。又名金銀藤。氣甚。清芬。而莖葉花皆可入藥。用。因其藤左纏。俗名左纏藤。

鋪荔枝

鋪荔枝。一名紅姑娘。一名願葡萄。四月下子。抽苗。延蔓。附木。而。生。葉似天蘿。有微刺。七八月開黃花。五瓣。如碗形。結實似荔枝。核。而大。初青色。後金。紅。內瓢。裏子如血塊。味甜。可食。懸掛可觀。若。

種盆玩須結縛成蓋子似西瓜子而邊缺可入藥用。

鐵線蓮

鐵線蓮一名番蓮。或云卽威靈仙。以其木細似鐵線也。苗出後卽當用竹竿扶持之。使蔓旋其上。葉類木香。每枝三葉對節生。一朶手翻。先有包葉六瓣似蓮。心開內花以漸而錦。有似鷺毛菊。性喜燥宜鷺鷥毛水澆其根。取紫而多。每開不能到心卽謝。亦一閨事。春間壓土移栽。

史君子

史君子一名留求子。藤生。手拈大如莧苗。繞樹而玉葉青似五

如葉口月開花五出一簇二十葩初淡紅久則深紅色市而
若海棠作架插之蔓延似錦實長寸許五瓣曰
黃熟則紫黑具中仁白上有薄黑皮如榧子仁而
治五疳殺蟲小兒宜食其味如栗

萵苣

萵苣一名千金菜俗名金盞花隨在有之葉似白苣而尖色稍
青折之有白汁粘手而花色金黃細瓣攢簇肖蓋四月始開無
甚風味聊備耳冬澆濃肥水則春發始茂梗葉皆可伴蔬

虎耳草

虎耳。一名石荷葉。俗名金絲草。其葉類荷錢。而有紅白絲線繞其上。三四月間開小白花。春初栽於花砌石隙背陰高處。常山河水澆之。則有紅絲延蔓遍地。絲末生苗。最易繁茂。但見日失水。便無生理矣。以糞坑邊瓦礫敲碎堆壅其側。則易長。小兒耳病。取汁滴入即愈。

翠雲草

翠雲草無直梗。宜倒懸及平鋪在地。因其葉青綠蒼翠重重。碎蹙。玉若翠鈿雲翹。故得似有色而無花香。非芸也。其根遇土即生。見日則萎。性最喜陰。三五於背陰石罅或虎渡苔花。秋後葉落

下極有雅趣。種法用舊草鞋浸甕之一日。取出鞋乾再浸再晒。凡數次。將石壓平。安放翠雲草之側。待其蔓自上生根。移栽別地。無有不活者。

淡竹葉

淡竹葉一名小青。一名鴨跖草。多生南浙。隨在有之。三月生苗。高數寸。蔓延於地。紫莖竹葉其花儼似蛾形。只二瓣。下有綠萼。承之色最青翠。可愛。土人用綿收其青汁。貨作畫燈。夜色更青。畫家用以破綠等用。秋末抽莖。結小長穗。如麥冬。而用堅硬性。喜陰。

花鏡

卷之四

後竹葉

射干

射干一名扁竹。一名秋蝴蝶。生南陽。今所在有之。仲春引蔓布地。苗似瞿麥。葉似薑而狹長。葉中抽莖似蘗莖而硬。六月開花。黃紅色。亦有紫碧者。瓣上有細紋。秋結實。作房。二房四隔。一隔數子。咬之不破。根可入藥。分根下子種俱可。

牽牛花

牽牛一名草金鈴。一名天茄兒。有黑白二種。三月生苗。卽成藤。蔓或迭籬牆或附木上。長二三丈許。葉有三尖如楓葉。七月生花。不作瓣。白者紫花。黑者碧色。花結實。外有白皮。畏作餅。

有子四五粒狀若茄子差小。色青長寸許採嫩實鹽焯或蜜漬可供茶食。近又有異種一本上開二色者俗因名之曰黑白江南花。

馬兜鈴

馬兜鈴一名青木香。春生苗作蔓附木而上。葉如山薺而厚大背白。六月開黃紫花似枸杞。結實如大棗作四五瓣。葉脫後其實尚垂狀如馬頂之鈴。

鼓子花

鼓子花一名旋菑。又名纏枝牡丹。蔓延川澤間。葉似薯蕷小而

狹長花開如拳不展頂幔如缸鼓式色粉紅有千葉者人多植以爲屏籬之玩根無毛節蒸煮味甘可啖花不結子取根寸截置土灌溉卽活生苗昔有一絕對云風吹不響鈴兒草雨打無聲鼓子花

五味花

五味花產高麗者第一。今南北俱有葉似杏而尖圓花若小蓮而黃白蔓赤而長非架不能引上或附木亦可結實如梧桐子大叢綴枝間生青熟紅不異櫻珠分根種當年卽旺若子種者次年始盛出江北者入藥最良

薜荔

薜荔一名巴山虎無根可以緣木而生藤葛葉厚而圓勁如木四時不凋在石曰石綾在地曰地錦在水曰長春藤好內岩石與牆上紫花發後結實上銳而下平微似小蓮蓬外青而內有瓢滿腹皆細子霜降後瓢紅而甘鳥雀喜啄兒童亦常採食之謂之木饅頭但多食發瘡夏月毒蛇喜聚其叢中如或乘涼其下不可不慎

芙蓉

芙蓉一名木蓮又名文官拒霜葉似梧桐大而有三花有數種

單葉者多。千葉者有大紅、粉紅、白。惟大紅者花大而四面有心。一種早開純白。向午桃紅。晚變深紅者。名醉芙蓉。另有一種黃芙蓉亦異品。不可多得者。此花獨耐寒。但不結實。亦不必分根。惟在十一月中。將好種肥條剪下。俱段作一尺許長。放向陽地。上掘坑橫埋之。仍以土掩。至二月初。將條於水邊籬側遍揀之。先將木針釘一穴。填泥漿並糞。令滿。然後揀條上露二寸。遮以爛草。無不全活。且當年即能發花。清姿雅質。獨殿群秋色之最佳者。昔蜀後主城上盡種芙蓉。名曰錦城。俗使爛獼毛。故池塘有芙蓉。則獼不敢來。其皮可漚麻。作線織。

漏衣暑月衣之最涼且無冷氣。

水木樨

水木樨一名指田枝。軟葉細。五六月開細黃花。頗類木樨。中多鬚弱香亦微似。其本叢生。仲春分種。

壺蘆

壺蘆一名瓠瓜

俗作葫蘆非

正二月下種。生苗引蔓而上。葉以冬瓜

而稍闊有柔毛。五六月開白花。結實初白。霜降後老而色黃。一

種圓而大者曰匏。亦名瓢。因其可以浮水。如泡如漂也。亦可作

藏酒之器。一種下大上小。腰細口細者曰壺蘆。可盛丹藥。大可

爲瓊益小可爲冠。樽小兒用以浮水。樂人用以作笙。膚瓢養豕。犀瓣澆屬實。初結最薄。藤謝押巴豆二三日後。柔弱可紙。隨去豆卽活。以筆蘸芥辣界瓢上。其界處永不長。欲去內瓢。開瓠頂。納巴豆水餽之。瓢出卽空。

獼猴桃

獼猴桃一名陽桃。生山谷中。藤着樹而生。枝條柔弱。高二三尺。葉圓有毛。花小而淡紅。實形如爛熟。色綠而甘。獼猴喜食之。皮堪作紙。今陝西蓀

蓀真

卡多。

藟豆音嬰多生林野間四散延蔓其葉並花實皆與葡萄無異但實小而圓色不甚紫而味亦佳毛詩云六月食蕡卽此也

紫茉莉

紫茉莉一名狀元紅本不甚高但婆婆而蔓衍易生葉似夏菁秋深開花似茉莉而色紅紫清晨放花午後卽斂其艷不久而香亦不及茉莉故不爲世重結實頗繁春間下子卽生

白藟豆

藟豆一名蛾眉豆一名籬豆其蔓最長須搭高棚引上夏月可以乘涼不可使沿樹上樹若繞蔓卽枯葉大如盃一枝三葉其

花狀似小蛾有翅尾之形。莢生花下。繫上成枝。花有紫白二色。實亦有紫白二種。清明下種。以灰覆之。不宜土益太肥。生翳。

龍膽草

龍膽草一名陵游。產齊胸及南浙。葉如龍葵。味苦如膽。直上生苗。高尺餘。秋閒花如牽牛青碧色。

落花生

落花生一名香芋。引藤蔓而生。葉極開小白花。花落於地。根即生實。連絲牽引土中。壘壘不斷。冬盡掘取。煮食香甜可口。南浙多產之。

大戟

大戟俗名下馬仙。春生紅芽，長作叢，高一二尺。葉似初生楊柳，小團，又似芍藥。夏開黃紫花，團圓似杏花。又類燕薺根，似苦參，多戟人咽喉。

葛

葛一名鹿藿，產南方。春初生苗，引藤蔓長一二丈，葉類掀青而小。七月間花紅紫色，結莢纍纍，似豌豆形，但不結實。根形大如手臂，紫黑色。端午採根曝乾，以入土，深者爲佳。其藤皮可作絺綌。惟廣中出者爲最，根可作粉，能解酒病。

紫花地丁

紫花地丁一名獨行虎隨在有之葉青而肥根直如釘仲夏開
紫色花結細角平地生者起莖可以不扶溝壑邊生者起蔓必
待竿扶又一種白花者不入藥用

茜草

茜

一作蒨

又名茅蒐茹蘆多生喬山上染絳之草葉青背綠頭尖

下濶似束其莖方葉濶四五葉對生節間蔓延於木上至秋聞
花結實如小椒中有細子根亦紫赤色今所在有之說文云人
血所在故俗名地血齊人謂之蒨草貨殖傳曰千畝蒨其入

青與千戶侯等則誠嘉草也

獨搖草

獨搖草一名獨活。多生於嶺南。及蜀漢川谷中。春生苗葉。夏開小黃花。一莖直上。有風不動。無風自搖。其頭如彈子。尾若鳥尾。而兩片開合間。每見人輟自動。搖俗傳佩之者。能令夫婦相愛。雖非異卉。亦自有一種風致。可取根入藥用。

虎杖

虎杖。生下濕地。隨在有之。春盡發苗。莖如紅蓼。葉圓如杏。夏未開。花四出如菊色。紅如桃。次第開落。至九月中方已。陝西山麓

水渾甚廣人於暑月取根和甘草同煎爲飲色如琥珀甘美可愛。瓶置井中令冷如水呼爲冷飲子可以代茗極能解暑其汁染米粉作糕更佳。

落葵

落葵一名承露。春初下種。仲夏始蔓。延籬落間。其葉似杏而肥厚。至秋開細紫花。結實纍纍。大如五味子。熟則紫黑色。土人取揉其汁。紅如胭脂。婦女以之漬粉。傅面最佳。或用點唇亦可。故又名染絳子。但暫用則色不変。若染布帛等物。不能常久。

款冬花

欵冬花一名欵凍出常山及關中叢生水傍葉似葵而大開花黃瓣青紫萼出自根下偏於十一二月霜雪中發花間茂又有紅花者葉如荷而斗直俗呼爲蜂斗葉亦花中之異品也

仙人掌

仙人掌出自閩粵非草非木亦非果蔬無枝無葉又並無花土中突發一片與手掌無異其膚色青綠光潤可觀掌上生米色細點每年只生一葉於頂今歲長在左來歲則長在右層疊而上植之家中可鎮火災如欲傳種取其一片切作三四塊以肥土植之自生全掌矣近今南浙亦間或有之錄此以見草木之

有金

卷之四 玉簇 釣藤

三

異云爾。

玉簇

玉簇花產於閩中。花發於秋冬之交。性最畏寒。遇水則花葉俱萎。植之者必十月中藏向陽室內。如土乾將殘。茶畧潤。至二月中方可取出。

釣藤

釣藤產自梁州。今秦楚江南江西皆有。葉細長而青。其莖間有刺。儼若釣鈎。對節而生。其色紫赤。卷曲而堅利。長一二丈。大如指。中空。用致酒甕封口。植人取酒以氣吸之。涓涓不絕。

清風簾

清風簾一名青藤出浙東台州天台山其苗多蔓延喬木之上四時常清風吹飄揚有致亦不可得者

長生草

長生草一名豹足一名萬年松究竟卽卷柏也產自常山之陰今出近道其宿根紫黑色而多鬚春時生苗似柏葉而細碎拳攣如雞爪色備青黃綠高三四寸無花實多生石上雖極枯槁得水則蒼翠如故或懸於梁不用滋培彌歲長青或藏之巾笥中復取砂水植之不數日卽活可爲盆玩

藤蘿

藤蘿一名女蘿。在木上者。一名兔絲。在草上者。但其枝蔓軟弱。必須附物而長。其花黃赤如金。結實細而繁。冬則萎落。

零餘子

零餘子一名山藥。生苗蔓延籬落之間。夏開細白花。結實在葉下。長圓不一。皮黃肉白。大者如雀子。小者如蚕豆。煮食勝於芋子。霜後收子。亦最易落。墜地即能生根。其根肥白而長。蔬中上品。宜壅牛糞。

土參

土參。一名神草。一名土精。一名血參。產於南浙。四月開花。細小如粟。莖如絲。白色。秋後結實。生青熟紅。性最喜燥。春間分種。

萎蕤

萎蕤。處處山山皆有。其根橫生。莖幹強直。似竹箭。幹而有節。葉狹而長。表白裏青。亦類黃精。而多鬚。大如指。長一二尺。三月中開青花。結圓實。亦可分根種。極易繁衍者。

楊搖子

楊搖子。產自閩粵。其子生樹皮內。身體有脊。而形甚異。味甘。無核。長五寸而色青。

蘭子

蘭子出自合浦。及交趾。藤蔓綠樹木而生。正二月開花。四五月實熟如梨。赤如雞冠之色。核如魚鱗。其味甚甘美。

酒杯藤

酒杯藤出自西域。昔張騫得其種而歸。藤大如臂。其花堅硬。可以酌酒。文章映澈。實大如指。味香如豆蔻。食之能消酒。

侯騷子

侯騷子蔓延而生。子如雞卵。既甘且冷。主大饑。曾獻之。能消酒除溼。輕身延年。

千歲子

千歲子。出粵西交趾。蔓延而生。子在根下。有鬚綠色。一苞多至二百餘顆。狀似李而皮殼青黃。殼中有肉如栗。味亦如之。乾則殼肉相離。搗之而有聲。極能解酒消暑。

波羅蜜

波羅蜜。產自海南。樹如荔枝差大。皮厚葉圓。有橫紋。小枝附樹本而生。一枝含數實。花落實出其大如斗。皮亦似荔枝。有刺類佛首螺髻之狀。肉若蜂房。近子處可食。與熟瓜無異。而丰韻過之。子如肥皂核大。亦可燂妙音食。味似豆。春生秋熟。粵人珍之。其

甘如蜜。

菩提子

菩提子。一名無患子。產自南海。今武當山亦有之。花如冠蕤。葉似冬青而稍尖長。實似枇杷稍長大。味甘。色青而香。核堅黑。可燭食。亦可作念珠。俗名鬼見愁。以其能辟邪惡也。前朝皇太后曾種二株於內宮。

娑羅花

娑羅樹。產雅州瓦屋山。今江淮古寺內。及浙之昌花山中皆有之。其本高數丈。葉大似桐。夏月多蔭。而冬不凋。初夏開花。頗香。

實大如核桃。栗殼色。可治心痛病。又聞充星山者。五色燦然。若
移他處。則闇而多稿。故不可多得。

人面子

人面子。出自粵中。樹似梅李。春花秋熟。子如桃實而少味。須蜜
漬可食。其核兩邊如人面。耳目口鼻無不具。是人皆取以爲玩。

都念子

都念。生嶺南。樹高丈

而細。葉如苦李。花紫赤如蜀葵。

心金色。南中婦女多

如小軟柿。外紫內赤。無核。頭上

有四葉如柿蒂。食必捻其蒂。故又名倒捻子。味甚甘美。

薏苡

薏苡一名芑實。隨在有之。若留有宿根。二三月自生。葉如初生芭蕉。五六月抽莖。開細黃花。結實青白色。上尖下圓。其殼薄仁粘者。卽薏苡也。一種殼厚堅硬者。俗名菩婁珠。小兒多穿作念佛數珠爲戲。

木竹子

木竹子出自廣西。皮色形狀全似大枇杷。而肉味甘美過之。但實熟在秋冬。

韶子

韶子。生嶺南。葉如栗赤色。子亦如栗。苞有棘刺。破其苞內有肉。如猪肪。着核不離。味甘而酢。核如荔枝。又有山韶子。夏熟。色正紅。肉如荔枝。一種藤韶子。至秋方熟。其大如鳧卵。

馬欖柳

馬欖。榴蓮自嶺南。金齒沅江。延蔓而生。結實大如葡萄。色紫而味甘。內有核。頗似大楓子。但殼稍薄。其形圓長斜扁不等。核內有仁亦甜。

長楚

長楚。一名業楚。一名羊桃。葉如桃而光。尖長而狹。花紫赤色。其

枝莖最弱過一尺卽引蔓於草土多生平澤中。子細如棗核亦似桃而味苦不堪食。

蔓椒

蔓椒出上黨。山野處處亦有之。生林箐間。枝軟覆地延蔓。花作小朶色紫白。子葉皆似椒形小而味微辛。因舊莖而生。土人取以煮肉食香美不減花椒但不多耳。

文章草

文章草一名五加。生漢中及宛句。今近道皆有。春生苗作叢赤莖青葉又似藤蔓。高四五尺。上有黑刺。一枝五葉。三四月開白

花香氣如橄欖結實如豆北方者長丈餘類木

蘿藦

蘿藦一名所合子人家多種之三月生苗蔓延籬垣間極易繁
衍其根白軟其葉長而後大前尖根與莖葉摘之皆有白汁六
七月開小長花如鈴狀紫白色結實長二三寸大如馬兜鈴一
頭尖其殼青軟中有白絨及漿霜後枯裂則子飛其子輕薄亦
如兜鈴子土人取其絨作坐褥以代綿亦輕暖

雪下紅

雪下紅一名珊瑚珠葉似山茶小而色嫩藤本蔓延莖生白毛

夏未開小白花。結子秋青。冬熟若珊瑚珠。纍纍下垂。其色紅亮。照耀如日。至於積雪盈顙。似更有致。但防白頭烏啣。食則不能久留。

胡椒

胡椒一名昧屢支。南齊諸國及交南。海南皆有之。其苗蔓生。必附樹。或作棚引之。葉如山藥。有細條與葉齊。條條結子。兩兩互相對。其葉晨開暮合。合則裹其子於葉中。正月開黃白花。結椒纍纍。生青熟紅。五月采收。曝乾乃綴。食品中用之。最能殺腥。

洗草

虎草一名藟音冬一名天門冬處上有之春生莖大如飯
高至丈餘葉如茴香極尖細而疎滑有逆刺亦有無刺者夏開
小白花亦有黃紫色者八伏後無花暗結黑子在具根枝旁根
長一二寸一科一二十枚以大者爲勝藥苗須沃地種栽子種
者但晚成耳

栝樓

栝樓一名瓜蒌一名澤姑所在有之三四月生苗引藤而土葉
如甜瓜而窄作叉有細毛秋開花似棠蘆花淺黃色結實在花
下大如拳形有正圓有尖長者生青熟赤黃纍纍垂於莖間亦

稍可觀。

五爪龍

五爪龍一名枝。一名五葉藤。蔓生籬落間。其藤柔而有稜。一
一鬚。凡五葉長而光有疎。面青背淡。七八月結苞成簇。青白
色花如粟黃色。四出實大如龍葵。生青熟紫。內有細子。

西國草

西國草一名莖_{音奎}。一名覆盆子。隨處有之。秦地尤多。三月開白
花。四五月實熟。狀如荔枝。大如櫻桃。軟紅可愛。味頗甘美。失時
則就枝生蛆。土人在六七分熟。即采取矣。

槭藤

槭藤一名象鼻。生廣南山中。作藤着樹。有如通草藤。其實三年方熟。結角如可。袋紫黑色而光。大一二寸圓而扁。仁若雞卵。土人多剝去其肉。作瓢垂於腰間。若貯丹藥。經年不壞。

蓬蘽

蓬蘽一名寒莓。復育生來藤蔓繁衍。莖有倒刺。逐節生葉。葉大如掌。類小葵。青背白。厚有毛。六七月開小白花。就蒂結實。數十成簇。生則青黃熟則紫黯。微有黑毛。如椎而扁。冬葉不凋。數名割田薺。

千里及

千里及生宣湖與天台山中春生菰蔓延於薈落間葉似菰細
長而厚背有毛枝幹圓而青秋開黃花不結實

秘傳花鏡卷之五

西湖花隱陳洪玉訂

花草類攷

喬木非百年不能蒼古。草花不兩月便可敷榮。是編所載。非取香濃。卽取色麗。各有所長。可佐園林之不逮。大槩色香俱無者不錄。

芍藥

芍藥古名將離。因人將離別則贈之也一名餘容。又名婪尾。春惟廣陵者

爲天下最近。日四方競尙。俱有美種佳花矣。春生紅芽作葩莖

上三枝五葉。似牡丹而狹長。初夏開花。有紅紫黃白數色。但巧立名目。約百種。今特細釋其十分之八。以附於後。其本有二種。一曰芍藥。木芍藥。木者。花大而色深。俗呼爲牡丹。非也。安期生服鑠法云。金芍藥。色白多脉。木芍藥。多紫。瘦多脉。園林中。苟植得宜。則花之盛。更過於牡丹。大抵花初發時。人多愛惜。勤於澆灌。之外。多扶以竹篠。使不傾側。遮以葦箔。令其耐久。及花萎之後。遂多棄而不論。孰知其來年之盛衰。全在乎此時。須亟剪去其子。屈盤其枝條。使不離散。則生氣不上行。而皆歸於根。明春甫發。必肥。花色更麗。至若分栽在八九月間。開土。悉出其根。滌以

甘泉細摘其老梗朽敗之處深掘諸糞和泥易其故土而另植之從此灌溉不失其時來年之花未有不茂盛者也其本無論好醜必三年一分不分恐舊根侵蝕其新芽苗遂不肥獨芍藥不宜春分移者蓋因諺云春分分芍藥到老不開花如欲攜根窠致遠須取本土則之竹器內雖數千里可負而至矣大畧單瓣者其根可入藥在賞鑑家多不取焉

附芍藥釋名 共計八十八種

黃色 計十八品

御袍黃

色初深後淡葉疎而端肥碧

袁黃冠子

宛如髻子間以金線出自袁姓黃都勝肥

綠花正黃干
道粧成
大瓣中有深黃小瓣
金帶圍
上下紫紅中

黃縷金囊
大瓣中於細瓣下
峽石黃
如金線冠子其
妬鶯黃

大小瓣開雜中
鮑家黃
與大瓣心同
黃縷子
盛者葉五七

以金線高條葉
色淡黃花似
色黃
帶生二花兩相
怨春粧

淡黃色干
青黃
干葉樓子淡黃
黃金鼎
色深黃而
蘸金香

千葉樓子
楊家黃
似楊花冠子
尹家黃
同上因人

深紅色
計二十五品

冠羣芳
大旋心冠子深紅
葉頂分四五旋其
盡天
二大葉

葉密直心
賽羣芳
小旋心冠子漸漸
醉嬌紅
小旋心中抽出

極青色
添紅而花繁密

簇紅絲

大葉中有七簇紅絲細細而出者

單池紅

花似軟條開管

紫葉草

垂下如所乘鞍

精嬌紅

千葉如紫樓子

楊花冠子

心白色黃

子狀喜大肥

淺紅縝中又

試濃粧

緋葉五七重平頭

紅至葉端

則又紅縝子

有深紅咄

係赤綠葉硬背紫

赤城標

會三

千葉大紅花

湖縝子

雜而開喜肥

蓮花紅

以蓮花

尖

有英一萼中有二花

紅都勝

多葉冠子

點粧紅

色紅而小與白

瘦綴蕊紅

紅初深紅及

髻子紅

花頭圓滿而高

緋子紅

色平

長綴蕊紅

開後漸淡

起有如髻子

色

柳浦紅

千葉冠子

大而駢枝紅

帶上有官錦紅

紅黃白色

相間者

色

因產之地

粉紅色

計十七品

名得硃砂紅

色正紅花

海棠紅

重葉黃心

醉西施 大瓣心枝條 淡粧勻 似紅獅子而粉紅 怨春紅 色

淡而葉 起如始紅不堆上無大瓣 合歡芳 花相背而青

似金線 冠子如始紅不堆上無大瓣 素粧殘 初胡粉紅以漸退 取次粧 其色最淡 效殷紅 小

而多葉 若土 倚欄嬌 色條軟而 紅寶相 似寶相 瑞蓮紅 頭微垂

花 寬葉紅多葉 龜地紅 半頭 芳山紅 以地得 汚池紅 花類軟

紅旋心 葉紫密 觀音面 似寶相

紫色 計十四品

寶粧成 色深紫有十二大葉中密生曲葉回卷圓 凝香英 有

心中細葉 上宿粗股大類 聚香絲 大葉中一叢

不堆大瓣

高蘇金香

大葉中葉小葉尖

蘇香

蘇香

蘇香

蘇香

中細葉升重土

包金紫

蘇香

蘇香

蘇香

蘇香

蘇香

大金繫腰

金帶

紫雲栽

花大

小紫毬

花如

多葉鞍子

瓣兩垂似馬鞍

白色

計十四品

曉粧新

花如小旋心頂上

四向葉端

有殷紅

小點

銀含稜花

綠葉端有一

菊香瓊

英團

王板冠子

白頭試

梅粧

白額中無點

子蓮香白

多葉潤

瓣香有

玉冠子

干葉而

玉版額

額中皆玉

逍遙

花疏而

覆玉

取有

玉盤盂

長瓣

壽州青

苗色

微粉綠子微有紅心鎮淮南大葉軟條冠子多葉而枝柔

以上共八十八種名色皆昔人譜中所載多有雷同已皆刪去然或有耳目所不及辨者以待後之博雅自別之可也。

甌蘭

蘭要短壯形如檉柳肚色要青翠濃潤者佳 莖不論大小只要圓頭細嫩軟亮云紅肋裏佳其花便佳

甌蘭一名報春先多生南浙陰地山谷間葉細而長四時皆青

秋發莖冬盡春初開花有紫莖玉莖青莖者一莖一花其紫花

黃心白花紫心者酷似建蘭而香尤甚盆種之清芬可供一月

故江南以蘭為香牖若欲移植必須帶土厚敷方能常盛種宜

黃砂土用羊鹿屎和水澆若遇暑月須每早澆以冷茶管移盆

作下用炭末
 血面必須細砂
 上泥以掩之夏
 三時宜用梅
 如以海風極空
 然大風大雨
 一除俱宜久空
 臺末置根下
 多於秋分皆可
 供盆分栽

四面晒則四面有花冬月當藏暖處經霜雪恐凍傷其蕊然較
 起蘭入窖則不必矣又一種葉較蘭稍潤而葉花開紫白者名
 蓀凡花開久香盡即當連莖剪去勿令結子恐耗氣奪力則來
 年花不繁也

蕙蘭

蕙蘭葉多長勁要擇其葉性柔軟者為妙其莖心要圓頭細
 厥凡淺綠如冰清滋有神色者其花必佳

蕙蘭一名九節蘭葉同歐蘭稍長而勁一莖發八九花其形似
 歐蘭而瘦即香味亦不及焉但後歐蘭而開猶可繼武歐蘭先
 建蘭而放聊堪接續建蘭則一歲芳香半牕清供可以綿綿不
 絕矣其澆壅之法亦同歐蘭

蕙與蘭皆不須澆壅但要泥土和潤天過燥過
 濕過熱過冷皆宜便於栽培

建蘭

建蘭產自福建而花之名目甚多。或以形色或以地理或以姓氏得名。俱詳後諸內。其花五六月放。一幹九花。香馥幽異。葉似歐蘭而濶大勁直。凡蘭皆有一滴露珠在花蕊間。謂之蘭膏。雖美不可多取。恐損本花。若年久苗盛。盈盆至秋分後可分種。泥須黃土。預用枯蔴草夾將泥烘過。方用。分時勿惜小費。必擊碎其盆。將竹刀先剔去其旁土。緩緩解折其交結之根。毋使有拔斷之失。然後逐節莖取出。種年腐蘆頭。方用新盆。先將瓦片填底。後以煉過土覆上。即將三節莖之互相枕籍作三方向而種。

之上覆瘦沙泥少許澆清水一勺以定其根蘭根香甜蟻最喜
食多故窠其上以至根傷葉瘁須置一淺盆坐水使蟻不能渡
若葉上生黃白斑點謂之蘭蟲用魚腥水酒之或研大蒜和水
或蚌水以白筆蘸之拂洗葉上數次則蟲自無矣如梅雨連朝
則水太多一遇烈日熱蒸則根必爛須移陰處養蘭訣云春不
出無霜雪冷夏不日最忌炎秋不乾多澆肥水冬不涸宜藏煖
內其法盡之矣

附蘭花釋名共計三十五品

紫花 計十七品

金稜邊花豐腴而嬌媚每幹十二萼色同吳蘭妙陳夢良

十二萼花頭極大為紫花之冠不喜肥吳蘭深紫色有多至

惟用清水或冷茶澆此一種最難養吳蘭十五萼者葉亦

高勁若善養時則較生竟有潘花宜葉差小而花中近心處

二十萼花頭差大不喜肥何蘭十四萼紫色中紅仙霞花似潘種因

色如吳紫更精彩何蘭花頭倒壓不甚綠仙霞花似潘種因

種須赤砂泥妙何蘭花頭倒壓不甚綠仙霞花似潘種因

名大張青宜半月一澆趙師博十五萼初萌甚紅蒲統領之花

中品也喜肥都梁縣西小山以地名淳監糧宜粗赤許景

宜半月一澆都梁縣西小山以地名淳監糧宜粗赤許景

白花計十八品

蕭仲初皆花之下又朱蘭花莖俱紅葉短婀娜

蕭仲初皆花之下又朱蘭花莖俱紅葉短婀娜

清老一幹十二萼標致不凡葉似大施而更高三
五寸善養多岐生又名一線紅最喜肥澆 碧玉草花

白紋帶黃有十五萼合并幹而生意 慈知客 十五萼花英淡

有二十萼其葉細最肥厚而深綠 慈知客 紫片尾凝黃葉

雜綠茂而柔弱種用 馬大同 色碧而絲有十二萼花頭微大

組砂和泥來糞則盛 馬大同 問有向上者中多紅暈而葉高

一名綠衣郎 餘一名龍山色如碧玉十五萼每生並蒂花 魚

五帶絲 餘亦碧葉綠而瘦薄如苦蕒菜之葉

沈十二萼花片澄澈如魚鱗採沉水中無 玉整花而瘦色

其葉白可指葉頗勁綠須山下流沙和糞種 似鄭花十二萼善

糞澆泥及河沙種之益以紅土良 黃八兄 于拙幹葉綠而直

惜管以不能支持耳 周染 有十二萼狀同黃花但其幹短弱

須管以肥流枝扶之 周染 用溝中黑沙泥和糞種之則茂亦

中品 名弟 花只有五六萼葉最柔軟如新長 李通判 花類鄭

也 某後則舊葉隨換人多不取重者 李通判 蘭有十

五萼宜 大施 和泥晒草鞋履圖飾三小娘 度弱乃下品也觀

輕肥 大施 和泥晒草鞋履圖飾三小娘 度弱乃下品也觀

堂三

七萼花聚如一簇葉短可供時粧

又夕陽紅

八萼花色凝紅如夕陽返照

青蒲

六萼亦非

佳品 四季蘭

葉長勁蒼翠幹青微紫花白質紫紋自夏至秋相繼而發冬亦偶開但不如夏蘭盛

簪蘭

附風蘭

簪蘭亦名朱蘭。實非蘭也。因其花形似蘭。葉短闊似簪。色如渥丹。故有是名。毫無香氣。徒冒芳名。乃粵種也。今杭紹亦有之。後歐蘭而發。盆玩中亦不可無此點綴。分種卽在花開春雨時。性喜陰濕。又一種風蘭。產自浙之溫台。懸根而生。本小而葉最短。勁有類瓦松。不用砂上種植。惟取小竹籃。以婦人頭髮及銅鐵絲襯之。貯其大窠。懸於有露無日處。每日洒水或冷茶澆。或取

下水中浸濕再栽。夏初開小白花。將萎時其色轉黃而香頗頗。手蘭亦一小景中之奇者也。但怕烟燼所觸。

澤蘭

澤蘭生大澤旁。以其葉似蘭。故名澤蘭。二月生苗。長二三尺。根紫黑色。莖幹青紫色。作四稜。葉生相對如薄荷而微香。七月開花。帶紫白色。萼亦色紫。可入藥用。

水仙

水仙一名金盞銀臺。因其性喜水。故名水仙。冬季於葉中抽出二莖。頂上有數莖。兩兩層次而開。白瓣中有黃心如盞。葉如萱。

艸而短其根似蒜頭外有赤皮裂之有單葉千葉二種單葉者

名水仙其清香經日不散千葉者名玉玲瓏其花皺下輕黃而

正淡白不作盃狀因其難得人多重之但種不得法徒葉無花

昔人種訣云五月不在土掘起以童兒浸六月不在房懸近竈

栽向東籬下八九月間復種花開久且芳凡種須沃壤日以肥

水澆則花自盛其葉止生三四片者無花至五片者方有花如

五六月不掘起浸吊宿根在肥土內亦旺但葉長花短不甚可

觀若於十一月間用木盆密排其根少着沙石實其罅時以微

水潤之日晒夜藏使不見土則花頭高出於葉如不起土冬月

必須遮護。使不見霜雪。遇日卽開晒之。凡起種須用竹杆拌犯。鐵器則永不開花。一槩花木最畏鹹水。惟梅花與水仙類。瓶宜鹹水養。拂林國有紅水仙。花開六出。亦異品也。又拘樓國有水仙樹。其樹腹中有甜水。謂之仙漿。其人飲之者。一醉可以七日。皆異聞也。

長春花

長春花。一名金盞草。江浙頗多。蔓生。離落。間葉似柳而厚。抱莖對生。莖上開花。金黃色。狀如盞子。有色無香。但喜其四時不絕。結實如雞豆子。其中細子。每粒如尺蠖蟠曲形。子落地隨出。不

煩分栽。但肥多易長。花麗若結實。卽摘去。則花不間斷。性不喜
溼。近亦有白花種。若冬能保護。霜雪不侵。其葉不壞。則老幹來
春仍開不絕。

荷包牡丹

荷包牡丹。一名魚兒牡丹。以其葉類牡丹。花似荷包。亦以二月
開。因是得名。一幹十餘朵。纍纍相比。枝不能勝。壓而下垂。若俛
首然。以次而開。色最嬌艷。根可分栽。若肥多。則花更茂而鮮黃。
梅雨時亦可扦插。

紅豆蔻

紅豆蔻嶺南多有之其苗似蘆葉類山姜二三月發花作穗房
生於葉下嫩葉卷之而生初如芙蓉花微紅穗頭色甚深其葉
漸廣則其花漸出漸淡亦有黃白色者子若紅豆而圓

笑靨花

笑靨一名御馬鞭叢生一條千紅其細如豆茂者數十條望若
堆雪不結實將原根劈作數墩二月中旬分植易活宜糞

罌粟花

罌粟一名御米一名賽牡丹一名錦被花種具數色有深紅粉
紅白紫者有白質而絳唇者丹衣而素純者殷如染齒者紫如

茄色者多植數百本。則五采雜陳。鋪繡奪目。葉似筍蒿。其邊屈曲多尖。二三月抽臺。結一青苞。花發則透紫。罌在花中。鬚藍裹之。結實如小蓮房。一囊千粒。下種須中秋午時。或重陽日。赤體持種。兩手交換撒子。則尤主重臺。再以竹箒掃勻。花開多千葉。未種前須糞地。極肥。熟後以釜底烟煤拌撒。用細泥蓋之。可免蟻食。待苗出後。始澆清糞。及其繁密者。食之。長則以竹條扶之。若土瘠種遲。多變爲單葉矣。如春間移栽。必不能茂。單葉者。子必滿千葉者。罌多空。故蒔花者。貴千葉。作蔬入藥者。不論收鴉片者。於青苞時。午後以針刺十數眼。次早其苞上精液自眼中

出用竹刀收貯瓷器內將紙封固曝二七日即成鴉片矣入藥用以瀉精背蘇子山廣植作蔬詩云畦夫告予罌粟可儲罌小如罌粟細如粟苗堪春菜實比秋穀研作牛乳烹爲佛粥老人氣衰食以當肉則其功用如此

虞美人

虞美人原名麗春一名白殿嬌一名蝴蝶滿園春皆美其名而贊之也江浙最多叢生花葉類罌粟而小一木有數十花莖細面有毛一葉在莖端兩葉在莖之半相對而生發莖頭垂下花開始直單瓣荒心五色俱備姿態蔥蔥秀嘗因風飛舞儼如蝶翅

扇動赤花中之妙品。人多有題咏。種法在八月望前。下子于肥土內。上用灰蓋。冬月糞澆。若肥糞得法。則來年開出千葉異色者更佳。少留子。則花發多。花時忌糞。花後再糞。又開。但千葉不易多得。

蔓菁

蔓菁一名葍。一名九英松。又名諸葛菜。莖粗。葉大而厚潤。夏初起。葍開紫花四出而繁結。莢如芥子。勻圓。亦似芥子。紫赤根長而白。形似蘿蔔。在北地則有之。四時皆可食。春食苗。夏食心。秋食莖。冬食根。秋間撒子於高壟沙土中。或故墟壞牆上。再覆以一指厚。

洛陽花

洛陽花一名蓮麥葉似石竹。叢生有節。高一二尺。花出枝杪。本柔而繁。五色俱備。又有紅紫斑斕者。植令苗頭無長短。諸色間之。開成片錦。饒有雅趣。將開如卷旗。以漸舒展。嘗以正午開。至晚則卷。明日復舒。頻摘去子。則花開不絕。有小黑子可種。根亦司分。大約土肥根潤則變色。肯開。但枝蔓柔脆。須用細竹扞扶之。

石竹花

石竹一名石菊。又名繡竹。枝葉如茗。纖細而青翠。夏開紅花。赤深紫數色。干葉如剪葦。結子細黑。向陽喜肥。每年起根分種。方

茂但枝條柔弱易至散漫須以小竹枝扶之花開亦耐久而惜不香若能使霜雪不侵其幹若漸老亦可作盆景枝扦插皆活

白鮮花

白鮮一名白薺一名金雀兒椒生上谷及江南苗高尺餘莖青葉梢白似茱萸夏月開花淡紫色類小蜀葵根如蔓青皮黃白而心實嫩苗可爲菜茹

王母珠

王母珠一名眼藥一名苦葳俗名燈籠草所在有之苗似木茄而小根長二三尺五月開小白花於葉極結子外有青膜薄衣

爲亦熟則深紅儼者燈籠深秋殼內于紅老若珊瑚珠去衣着子更佳分根栽亦可

醒頭香

醒頭香亦名辟汗草山自江浙開細小黃花有似魚子蘭而香劣不及夏月汗氣婦女取置髮中則次日香燥可梳且能助枕上幽香

蜀葵

蜀葵陽艸也一名戎葵一名衛足葵言其傾葉向日不令照其根也來自西蜀今皆有之葉似桐大而尖花似木槿而大從根

至頂次落開出。單瓣者多。若干葉五心。重臺剪絨。鋸口者。雖有而難得。若栽於向陽肥地。不時澆灌。則花生奇態。而色有大紅粉江。深紫淺紫。純白。墨色之異。好事者多雜種於園林。開如繡針。奪目。八月下種。十月移栽。宿根亦發。嫩苗可食。當年下子者。無花。其梗漚水中一二日。取皮作線。可以爲布。林梗燒作灰。藏火耐久不滅。

錦葵

錦葵一名錢葵。一名菱莖。生葉如葵。而莖長六七尺。花綴於枝。草瓣小如錢。色粉紅。土有紫縷紋。開最繁而久。綠肥紅瘦之際。

不可無此麗質點染也。下子分栽，俱與葵同。

向日葵

附兔葵

向日葵一名西番葵，高二三丈，葉大於劉葵，尖狹多刻缺。六月開花，每幹頂上只一花，黃瓣大心，其形如盤，隨太陽回轉。如日東昇，則花朝東；日中天，則花直朝上；日西沉，則花朝西。結子最繁，狀如草蘇子而扁，只堪備員，無大意味，但取其隨日之異耳。又一種名菟葵，一名天葵，多生於下澤，苗如石龍芮，而葉綠如黃葵花，似拒霜白而雅，其形至水如初開單葉蜀葵，有檀心，色如牡丹之姚黃，可愛。人多採莖葉，灼之可食。

萱花

萱花。通作諼。一名宜男。一名忘憂。種宜下濕地。長苞叢生。莖無附枝。繁蔓攢連。葉弱四垂。花初發如黃鵠嘴。開則六出。色黃微帶紅。暈朝放暮焉。有三種。一千葉夏開。其稜柔不結子。一單葉後開。其枝勁結子。子圓而黑。俗名石蘭。又一種色如蜜者。花差小而香清。葉細。可作高齋清供。但不易開。須用肥土加意培植。之。此艸地廣者不可不多種。春苗可食。夏花亦可茹。惟千葉紅花者。二可用食之。殺人。婦人畏娠。若佩此花。多生男兒。雨中分勾萌種之。初稀。招一年後自然稠密。或用根向上。葉向下種之。

則出苗最盛亦有秋開者但不可多得今東人採其花跼乾而
貨之名爲黃花菜。

鹿葱

鹿葱色頗類萱但無香耳因鹿喜食故名但萱葉尖長鹿葱葉
圓而翠綠萱葉與花同茂鹿葱葉枯死而後花萱一莖實心而
花五六朵從節開鹿葱一莖虛心而五六朵並開於頂萱六瓣
而鹿葱七八瓣多以肥澆則其花逐節皆盛。

玉簪花

玉簪花一名白萼。二月生苗成叢葉大如小團扇七月初抽莖。

莖有細葉十餘，每葉出花一朵。花未開時，其形如玉搔頭，簪潔白如玉。開時微綻，四出中吐黃蕊。七鬚環列，一鬚獨長，香甜襲人。朝開暮卷，間或結黑子。根連如射干。春初須去其老根，移種肥地，則花多而茂。分時忌鐵器。性好水，盆石中尤宜。其花瓣人少糖霜煎食，香美可口。又法取將開玉簪，裝鉛粉在內，以線縛其口，令乾。婦人用以傅面，經宿尚香。根不可入口，最能爛牙齒。

紫玉簪

紫玉簪葉上貨綠，間道而生。比白者差小，花亦小而無香。先白玉簪一月而開，性亦喜水。宜肥土栽，皆可。但不及玉簪之香甜。

可愛根亦最毒

桔梗

桔梗生高山。宛句。春生。苗葉高尺餘。邊有齒似棗棠。相對而生。夏開花青紫色。有似牽牛。秋後結實。根可入藥用。

菖蒲

菖蒲一名菖歟。一名堯韭。生于池澤者泥菖也。生于溪澗者水菖也。生水石之間者石菖也。葉青長如蒲蘭。有高至二三尺者。葉中有脊。其狀如劍。又名水劍。其根盤曲多節。亦有一寸十二節至二十四節者。仙家所珍。惟石菖蒲入藥品之佳者有六。金

花鏡

卷之五

桔槔 首飾

六

錢牛頂虎鬚。鉤春香苗。臺蒲凡盆種。作清供者。多用金錢虎鬚。香苗三種。性喜陰濕。總之用沙石植者。葉細。泥土植者。葉粗。其法在夏初。以竹剪修淨。取細沙。或瓦屑密種。深水蓄之。勿令見日。秋初再剪。不染塵垢。及犯油膩。并猶喫水。則葉青翠細軟。如絲。尤畏熱手撫摩。宜作一線。捲小杖。時把其葉。霜降後。須藏於密室。或以缸蓋之。至春後始出。不見風雪。歲久不分。便細密可愛。若石上種者。尤宜洗淨。常澆雨水。勿見風烟。夜移就露。日出卽收。如患葉黃。壅以鼠糞。或蝙蝠屎。用水洒之。若欲苗直。以綿裹筋頭。每朝持之。又一種生不濕而葉無脊。根粗大如指者。名

昌陽肥則開花結子。候子老收之。至梅雨時用米飯同子嚼碎

噴於火炭上。則子自然生。蓄必細極。不煩剪。昔人種訣云。春遲

出春分夏不惜四月十四昔蒲生日用秋水深冬藏客須

室又忌訣云。添水不換水。添者慮其乾見天不見日見天消雨

焦宜剪不宜分頗剪則細或逐葉摘浸根不浸葉浸根則潤其

法盡之矣。此皆爲盆玩而言。若入藥用。不必如此調護也。燈前

置一盆。可收燈烟。使不薰眼。蒲花入食之。可以長年。然不易得

昔蘓子由盆中菖蒲。忽開九花。人以爲瑞。蒲之根白節疏者。可

作菹。俗於端陽午時。和雄黃搗碎。下酒飲。謂之蒲節酒。

艾

艾一名冰臺一名醫艸隨在有之以蘄州者爲佳二月宿根生
苗成叢其莖直生白色高四五尺其葉四有狀如蒿分五尖極
上復有小尖面青背白有茸而柔厚七八月間出穗如車前穗
細花結實盈枝中有細子霜後始枯人多於五月五日連莖刈
取暴乾收葉陳久炙疾或採作印色胎。

夜合花

夜合一名摩羅春一名百合苗高二三尺葉細而長四面攢枝
而上至抄始著花四五月開密色紫心花之香味最濃日舒夜

則益之首至春分將藕秧疎種。枝頭向前以猪毛少許。安在節
間。再用肥泥糝好勿露。仍如前。候晒開拆。方貯河水平缸。則花
自盛。一云。取酒甕填泥種。卽開花。最畏桐油。夏不失水。冬不結
凍。則來春秧肥花盛。種蓮子法。將老蓮實裝入卵殼中。令雞母
同子抱。候子離巢。取天門冬搗末和泥。安置盆內。將蓮實摩穿
其頭。種之花間。如錢大。亦一弄巧之道也。或云春分前種一日。
花有葉上。春分後種一日。葉在花下。春分日種。則花葉兩平。昔
昭帝時。穿琳池植分枝荷花。食之。令人口氣嘗香。六月二十四
荷花生日。

附蓮花釋名

花名

計二十二品

分香蓮

產釣仙池一歲再結為蓮之最

四面蓮

色紅一蒂千瓣如毯四面皆吐黃心

低光蓮

林池一枝四葉狀如蓋

重頭蓮

紅白俱有一幹兩花能傷別花宜獨

重臺蓮

花放後房中眠內復吐花

無四季蓮

儋州產四季開花不經冬月尤盛

朝日蓮

紅花亦如葵花之向太陽也

睡蓮

花布

葉間晝開花縮入水

衣鉢蓮

花盤千葉藍分三色產滇池

金蓮

花不甚大而色深黃

產九凝山洞中

錦邊蓮

白花外瓣邊上有紅暈或黃暈

夜舒蓮

漢時有一葉四蓮其葉夜舒晝卷

十丈蓮

清源所生百餘尺徑出峯頭

藕合蓮

千葉大花紅色中微帶青暈

碧蓮

花千葉叢生

青葉而

黃蓮

花色淡黃而香甚其

品字蓮

一蒂三花開如品字不能結實

百子蓮

出蘇州府學前其佛座蓮花有千瓣皆短千葉蓮生

山頂池內人服之丹化

碧臺蓮

白瓣上有翠點葉如荷花花似辛夷而色紫亦異種也

地湧金蓮

地湧金蓮葉如芋葉。

平地上。花開如蓮瓣。內有一小黃心幽

香可愛。色狀甚奇。

難開

鳧葵

鳧葵一名荇菜。一名金蓮花。處處池澤有之。葉紫赤色。形似蓐

而微尖。長徑寸餘。浮於水面。莖白色。根大如釵股。長短隨水淺

深。夏月開黃花。亦有白花者。實如棠梨。中有細子。入藥用。

苳菰

苳菰一名剪刀草。葉有兩岐如燕尾。又似剪。一窠花挺一枝。上開數十小白花。瓣四出而不香。生陂池中。苗之高大比於荷蒲。一莖有十二實。歲閏則增一實。似芋而小。至冬煮食清香。但味微帶苦。不及鳬茨。性喜肥。或糞或荳餅皆可。下肥則實大。

茨

茨一名雞頭。一名雁喙。一名蔦子。葉似荷而大。上有蹙劔如沸面。青背紫。莖葉皆有芒刺。平鋪水上。五六月開紫花。花下結房。有刺如蝟。上有嘴如雞雁頭狀。實藏其中。去殼肉圓白如珠。秋

間收老子以蒲包包侵水中。二三月撒淺水中待葉浮而上方可移栽深中。莢花小而向日開。荷葵之性種法用麻豆餅屑拌勻河泥植下則易盛。其實惟蕪杭出者殼軟薄而肉糯且大味極腴美。他處者止堪收作芡實。椿粉食入藥用。

菱花

菱一名薢苳。與菱本一類。但其實之角有不同。四角三角曰菱。兩角曰菱。又兩角而小曰沙角。其葉似荇。扁而有尖光面如鏡。一莖一葉。兩兩相差如蝶翅狀。叢生成團。花有黃白二色。昔口而開。晝舒夜斂。隨月轉移。猶葵花之隨日也。實有紅綠二種。又

有早出而鮮嫩者。名水紅菱。遲熟而甘肥者。名餽飽菱。種法重陽後收最老者為菱。至二月盡發芽。撒入水中。着泥即生。若有萍荇相雜。須速撈去。則菱出始茂。一種最小而四角有刺者。曰刺菱。野生其人所直花紫色。人曝其實。以為菱米。可以點茶。池塘內若欲澆葦。用粗大毛竹。打通其節。貯肥於內。注之水底。若以手種者。能令其實深入泥中。再灌以肥。未有不盛者也。昔漢昆明池有浮根菱。葉沒水下。菱出上。又立都有雞翔菱。碧色狀如雞飛。仙人鳧伯子嘗食之。

金燈花

金燈一名山慈姑。冬月生葉似申角草。三月中枯根卽慈姑深
秋獨莖直上。未分數枝。一簇五朶。正紅色。光焰如金燈。又有黃
金燈。粉紅紫碧五色者。銀燈色白。禿莖透山。卽花俗呼爲忽地
笑。花後發葉似水仙。皆蒲生。須分種。性喜陰肥。卽栽於屋腳端
根。無風露處亦活。

山薊

山薊一名白木。生鄭山。漢中。南嶽。浙杭山谷。春抽莖。青色無極。
莖作蒿幹狀。青赤色。長二三尺。夏開紫碧花。或黃白色。似刺薊。
根卽白木。春秋可採。暴乾入藥。

階前草

階前草一名忍冬。卽麥門冬。所在有之。產吳地者勝。葉似韭而短。又如莎草。四時長青。其根黃白色。似麥而有鬚。花如紅蓼。實碧圓如珠。門月初取根栽肥地。白棧。每於六七月及十一月宜用糞澆芸鋤。俟夏至後便可取根入藥。若以數莖植於階砌亦青翠可觀。

烟花

烟花一名淡把姑。初出海外。後傳種漳泉。今隨地有之。本似春不老而葉大於菜。開紫曰細花。葉老曝乾細切如線。後美其名。

曰金絲烟。一名返魂烟。一名擔不歸。人喜其烟而呼之。雖至醉。仆不怨。可以祛濕散寒。辟除瘴氣。但久服肺焦。非患。隔卽吐紅。或吐黃水而殞。抑且有病投藥不效。總宜少喫。

夜落金錢

夜落金錢。一名子午花。午間開花。子時自落。有二色。吳人呼紅者爲金錢。白者爲銀錢。葉類黃葵花。生葉間。高僅尺許。三月下子。苗長三寸。卽當扶以小竹。七月開花。結黑子。種自外國進來。今在處有之。昔魚弘以此賭賽。謂得花勝得錢。可爲好之極矣。白詩云。能買三秋景。難供九府輸。切當此花。

杜若

杜若一名杜蓮。名山薑生武陵川澤。今處處有之。葉似薑而有文理。根似高良薑而細味極辛香。又似旋菴花根者。真杜若也。花黃子赤大如棘子。中似豆蔻。今人以杜蘅亂之。非以藍菊名之更非。

決明

決明一名馬蹄決明。俗者望江南。隨處有之。二月取子畦種。夏初生苗。葉似苜蓿大而相棘。根帶紫色。七月開淡黃花。間有紅白花。晝開夜香者。結角如細折葶。子青綠而微銳。一莢數十粒。

參差相連狀如馬蹄可作酒藥並眼目藥或云取子一匙按令
淨空心吞之。百日後夜可見光一種荏苒決明苒莖似馬蹄但
葉本小末尖似槐葉夜不合開深黃花子如黃葵而稍味甘滑
其嫩苗及花角子皆可瀹茹但忌入茶若園圃中四旁多種決
明則蛇不敢入。

一瓣蓮

一瓣蓮一名旱金蓮又名觀音草。葉大如萍。秋間開白花只一
大瓣狀如蓮花。其大瓣中花小。遠視之頗類佛像。故有觀音之
稱。

滴滴金

滴滴金一名旋覆花。一名金沸草。莖青而香。葉尖長而無極高。僅二三尺。花色金黃。千瓣最細。凡二三層。明黃色。心乃深黃。中有一點微綠者。花小如錢。亦有大如折二錢者。是所產之地肥瘠不同也。自六月開至八月。因花稍頭露。滴入土。卽生新根。故有滴滴金之名。乃賤品也。

胡麻

胡麻一名巨勝。昔張騫自大宛得來。故有胡之稱。又云結實作角八稜者名巨勝。六稜四稜者爲胡麻。一云胡麻卽芝麻。有

剪秋紗

剪秋紗。一名漢宮秋。葉似春羅而微深。有尖。八九月開花。有太紅淺紅白三色。花似春羅而瓣分數岐。尖峭可愛。其色更艷。秋盡尤開。喜陰。不用太肥。春分後分栽。用肥土種。清水澆。不可曝於烈日中。若下子種。在二月中。篩細泥鋪平。揅子於上。將稻草灰密蓋一層。河水細洒。以濕透爲度。嫩秧防驟雨。澆泥極能損壞苗葉。又一種剪金羅。金黃色。花甚美艷。

小茴香

小茴香。一名蒔蘿。又曰慈謀勒。葉細而雅。夏月開花。白而小。八

九月收子陰乾可作香料十月除去枯稍。隨以糞土壅根。則來春自發便可分種。若以子種三月初帶商麻子幾粒和以糞土於向陽地種之。用以遮夏口則茴香易茂。

薺花

薺花一名利如。卽結縵也。花有紫白二色。春間下子。或分種皆可。壅以雞糞則茂。

青葙

青葙生田野。莖高三四尺。苗葉花實與雞冠花無異。但雞冠形狀有圓扁尖長之異。此則稍闊出花穗長四五寸。形如兔尾。

水紅色亦有黃白色者

秋葵花

秋葵一名黃蜀葵俗呼側金盞花似葵而非葵葉岐出有五尖缺如龍爪秋月開花色淡黃如蠟心深紫六瓣側開淡雅堪觀朝開暮落結角如如拇指而尖長內有六稜子極繁冬收春種以手高撒則梗亦長大

雞冠花

雞冠花一名波羅奢隨在皆有三月生苗高者五六尺其矮種只三寸長而花可大如盤有紅紫黃白豆綠五色又有宛央二

色者又紫白粉紅三色者皆宛如雞冠之狀。扇面者惟稍間一
花設大層七卷出可愛。若掃帚雞冠宜高而多頭。又若縷絡花
尖小而雜亂如簾。又有壽星雞冠以矮爲貴者。雞冠以花非花
開最耐久。經霜如舊。俱收子種。撒下卽用糞澆。可免蟲食。

十樣錦

十樣錦一名錦西風葉似莧而大。枝頭亂葉叢生有紅紫黃綠
相兼因其雜色出故名。十樣錦春分撒子於肥土中。蓋以毛灰。
庶無蟻食之患。苗生後以雞糞壅之。長竹捍扶之。可過于牆。夏
末卽有紅葉矣。大凡秋色其根八寸最淺。俟苗長一二尺卽宜

壅雨過再壅則無風傾之虞矣

老少年

老少年一名雁來紅。初出似莧。其莖葉穗子與雞冠無異。至深秋本高六七尺。則腳葉深紫色。而頂葉大紅鮮麗可愛。愈久愈妍如花。秋色之最佳者。又有一種少年老。則頂黃紅而腳葉綠之。別收子時。須記明色樣。則下子時。間雜而種。秋來五色眩目可觀。

雁來黃

雁來黃卽老少年之類。每於雁來之時。根下葉仍綠。而頂上葉

純黃其黃更光彩可愛非若老葉黃落者比。收子下種法一如
老少年以上數種秋色全在乎葉亦須加意培植扶持若使蟬
蚋傷敗其葉便減風味矣。

曼陀羅

曼陀羅產於北地。春生夏長綠莖碧葉。高二三尺。八月開白花
六瓣狀似牽牛而大。朝開夜合。結實圓而有下撈。中有小子又
葉形似茄。一名風茄兒。子紫色亦類乎茄。法華經言佛說法時
天 曼陀羅花蓋禿語也。

菊花

菊本作菊

一名節華。又名女華。傳延年。陰成更生。朱麗女瑩。金蕊。

皆菊之總名也。春夏秋冬俱有菊。究竟開於秋冬者爲正。以黃爲貴。自淵明而後人多踵其事而愛之。如劉蒙泉菊譜。述有一百六十三品。范至能史正志馬伯州王蓋臣皆有譜。其名目至三百餘種。要知地土不同。命名隨意。僅有一種而得五名者。如藤菊。一丈黃。枝亭菊。棚菊。朝天菊是也。一種而得四名者。九華菊。一笑菊。枇杷菊。栗葉菊是也。有一種而得三名者。水仙菊。金盞銀臺。金盃玉盤是也。一種而得雙名者。如金鈴菊。亦名塔子菊。若此類者甚多。難以盡錄。今存其舊譜之名。一百五十三品。

於後已足該菊之形色矣。其中或有重複賞鑑家請再栽之。至於栽培之難。惟菊爲甚。今特詳考其法。以公同志。良具苦心。凡菊苗俱在清明後穀雨前。將宿本分種。以肥土壅之。則日後枝梗壯茂。初栽不可見日。先乾三日。後隔二日一洗。再後六七日澆其根。宜陰燥而多風露之所。若水多則有蟲傷濕爛之患。小滿時每日須看捉剪頭蟲。紅頭黑身在辰巳二時端剪菊頭若被菊虎咬過其頭。見日卽垂視其咬傷處。去寸許。卽摘去無害。遲則生蟲爲後之患。又有細蟻侵蛀菊本。須用魚腥水洒其葉。或澆土則除。若蚯蚓地蠶傷根。權以石灰水灌之自死。速將河水連澆以解灰。

毒若黑蚰瘡其椶以麻裹筋頭持之則出若象幹蟲似蚕青虫與葉一色食葉須早起以針尋其穴刺殺之。蚘蟥亦喜食葉皆當捉去。苗長至尺許每本用堅直小籬竹近插之以軟草寬七縛定使其幹正直且無風折之患。葉不可沾泥有泥卽瘁如雨濺泥汙卽將清水洗淨用碎瓦片蓋其根土則葉自根至上長青葉勁而脆不可亂動。四月中摘去母頭令其分長子頭每本留三四頭。肥大者留五六以防損折。接菊亦在此月。夏至時用濃糞澆之。夏至後止用雞鷄毛湯并縹絲水或鮮肉汁或菜餅屑木澆之。三伏天止用河水若澆糞必籠頭初發蕊時每枝止留一二恐

蓋多力分則花不大結蕊後須五日一澆肥糞已開又不可澆肥開時或有力不足者磨礬黃水澆根經夜即發至於美種難得可用扦插法自五月間扦插後不可一日失水并不可見日使易活有花一種單葉紫莖開黃白小花氣味香甜者名茶菊雖不足觀泡茶入藥所必需花殘後即當拔去竹桿折出花幹止留老本寸許善護其苗每本揀一小開上寫花之名色來春分種庶不差矣冬月用亂穰艸蓋之不遭霜雪交春芽肥力全此養菊之要訣也菊有五美圓花高懸準天極也純黃不雜后土色也早植晚發君子德也冒霜吐穎象貞質也盃中體輕神

仙食也昔陶淵明種菊於東流縣治後因而縣亦名菊

附菊釋名 共一百五十三種

黃色 計五十四品

御袍黃 淡黃葉長若知霜降前 金鎖口 昔深紅而黃瓣 金孔

雀 千葉深黃赤心 赤金盤 老黃赤心多葉 龍腦 外淡內深香 繡芙蓉 重密色淡紅心

黃都勝 千葉闊厚雙紋 大金錢 一葉一花 剪金黃 深黃千葉 牡丹 千葉

紅黃 金鈕絲瓣上起金 黃臘 千葉淡黃畏肥 黃金傘 深黃葉 荔枝

黃 千葉紅黃 金鈴菊 千葉細 蜜紗毬 葉圓 枝亭菊 即藤菊一

蜜西施 多葉嫩黃色 蜜蓮 葉長大有 蠟瓣西施 似西施 瓊英 黃葉

鶯黃
色
棣棠菊多葉而冬菊多葉深黃色太真黃千葉嫩黃長肥黃鶴

頌千葉多木香多葉細花鶯乳黃花頭小勝金黃葉青心

黃佛頭無心中有黃粉千葉中微加鄧州黃葉雙枝笑靨即御

雙紋有金芙蓉千葉野小金錢類大金錢蜂鈴多葉深黃圓

纖蕊黃金黃長而細鴛鴦金花朵雖小波斯菊皆皆倒環喜容色

高起千葉有漆色容中心我兒黃花細如毛金縷絡千葉小黃

疊羅似佛頂廿菊單葉小花其香烈檀香毬色老黃形大金毬深

色瓣反五九菊有白鶯黃二色金絡索千瓣卷垂絲菊葉深

枝柔細如垂絲淡黃色二色瑪瑙金紅淡黃滔天星雖係下品如

紫大枝則淡黃色二色

其頭必咬出再摘子咬又
摘至伏一幹數千百朵

白色計三十二品

九華菊

此潤明所賞鑒者越人呼為大英菊花大玉毬即粉

諸菊異初色淺黃微帶青全開純白色水晶毬初微青後瑩

而茸中微有黃蕊先細薄後排徊菊黃心色帶微綠瓣有四

及開至旬日方能白佛頂心喜肥白鶴領葉小下玉玲瓏

全舒故名徘徊白佛頂心喜肥白鶴領垂喜肥玉玲瓏

初青黃後曰青心白千葉有翻金白每瓣邊金盞銀臺外單

花先仰後覆青心白青心翻金白有黃色金盞銀臺葉中

白牡丹千葉中萬谷書千葉皆瓊盆潤瓣黃心有白木香

千葉細瑤井欄如銀臺白綉毬花抱蒂而疊雪羅千葉蒂銀

花黃心瑤井欄微大白綉毬花抱蒂而大有紋疊雪羅當難開銀

鈴菊 千葉中 銀盆菊 鈴葉下有 靈根菊 多葉白 醉驪白 出州

熊 瓊芳藥 千葉花 試柳粧 似梅 玉蝴蝶 小白花 碧蕊玲

龍 千瓣集 一 弄雪 無心 新羅 長短相 換新粧 千葉團

樓子菊 如樓子 白剪絨 色如雪 破三 每瓣有黃紋 八僊菊

花初青白後粉色一花
多入藍葉尖長而青

紅色 計四十一品

鶴頂 紅粉紅葉 蓮荷紅 千葉粉 火煉金 殷紅色多 紅綉毬 葉

似迷 紅粉團 短多紋 金魚鱗 鮮紅花 黃邊 荔枝紅 千葉紅 賓州

喜肥 紅粉團 短多紋 金魚鱗 鮮紅花 黃邊 荔枝紅 千葉紅 賓州

紅以地名 紅粉團 短多紋 金魚鱗 鮮紅花 黃邊 荔枝紅 千葉紅 賓州

紅重 紅粉團 短多紋 金魚鱗 鮮紅花 黃邊 荔枝紅 千葉紅 賓州

粉西施干葉色最大紅袍干葉大紅玉環干葉粉紅垂絲粉淡紅

細如勝緋紅干葉淡銀紅絲索干葉成纒金粧有黃線紋金絲

菊有紅黃綠錦荔枝多葉金賽芙蓉粉紅色花勝荷花花開似荷

海棠春短多紋晚香紅干葉粉紅嬌容變干葉先太真紅干

嬌紅醉楊妃淡紅色垂一捻紅花淡有錦雲標紅黃相二嬌

一幹上開二川金錢花小而猩猩紅色鮮紅襄陽紅頭出九

紅羅織深紅海雲紅和般紅漸金紅後木紅萬卷深紅

佛見笑干葉粉紅粉紅細絲葉青色而稀潤錦心繡口外深

之一層中筒瓣突起初青後黃筒桃花菊多葉至四五重

杏紅梅開未重門間最十樣錦一本開花形色或單葉或大或小或如鈴往

往有六七色紅黃白雜樣者

紫色計二十七品

腰金紫千葉中紫霞觴葉厚而紫芙蓉開極大但紫絨毬花

細而紫蘇桃茄色中紫袍金帶黃蔬統剪霞綃葉邊如瑞香

紫葉小紫羅傘細葉宜肥玉璫盤淡紫大紫萬卷千葉微

雞冠紫而起樓墨菊色黃心早蓮似蓮葉夏紫五月開

紫花心碧蟬菊色微青銅金北紫葉小葡萄紫色深千葉紫

牡丹花初開紅黃間雜後粉紫雀舌初淡紫後刺蝟菊花如

朵狀如繡之刺大如雞卵葉長而尖金絲菊以藍得名碧江霞單花青帶上角
花之紡枝紫花色如荔枝雙飛燕每花有二心瓣斜紫荷葉
異者形正而圓先紅後紫復淡紅變蒼白花鬚鬆順聖紫一花不過六七葉每葉疊
有菊之名而實非菊者另列於後以便參考

藍菊

藍菊產自南浙本不甚高。夏秋即開。花色翠藍黃心似單葉菊。但葉尖長邊如鋸齒。不與菊同。然菊放時得一二本亦助一色。

萬壽菊

萬壽菊不從根發春間下子。花開黃金色繁而且久。性極喜肥。

僧鞋菊

僧鞋菊一名鸚哥菊。卽西番蓮之類。春初發苗如蒿艾。長二三尺。九月開碧花。其色如鸚哥。狀若僧鞋。因此得名。分栽必須用肥土。以其性喜肥。

西番菊

西番菊葉如菊。細而尖。花色茶褐。雅淡似菊。之月下西施。自春至秋相繼不絕。亦佳品也。春間將藤壓地。自生根。隔年絕斷。分栽卽活。

扶桑菊

扶桑菊花似薔薇而色粉紅葉似菊而較繁。

雙鸞菊

雙鸞菊一名烏啄花發最多每朵頭若尼姑帽折出此帽內露雙鸞竝首形似無二外分二翼一尾天巧之妙肖生至此春分根種根可入藥

孩兒菊

孩兒菊一名澤蘭花小而紫不甚美觀惟嫩葉柔軟而香置之簷中或繫諸衣帶間其香可以辟炎蒸汁氣婦女多佩之乃夏

月之香艸也。其種亦有二。紫梗者更香。

蘭

蘭一名水香。一名都梁香。葉與澤蘭相似。紫梗赤節。高四五尺。其葉光潤。尖長。開白花。喜生木旁。故人多種於庭池。可殺蟲毒。除不祥。著衣書帛。能辟白魚疰。

白芷

白芷一名藎。一名莞。一名澤芬。香草也。處處有之。吳地尤多。枝幹不盈尺。根長尺餘。粗細不等。春生下濕處。其葉相對。婆婆紫。色。潤。三指許。花白而微黃。入伏後結子。立秋後苗枯。採根入藥。

香香自芷葉可合香煎湯沐浴謂之蘭湯

零陵香

零陵香一名薰草。產於全州。江淮亦有不及湖嶺者佳。多生下濕地。麻葉而方莖赤花。而黑質其臭如藤蕪。七月中旬開花香盛。因花倒懸枝間如小鈴。俗名鈴鈴香。其莖葉曝乾作香。其質黑。左傳云。一薰一蕕。十年尚猶有臭。卽此草也。士人以編席。麝性暖且香。最宜於人。

藤蕪

藤蕪一名江離。卽青鬱苗。乃香草也。葉如蛇床而香。七八月開

白花其根堅瘦黃黑結塊如雀腦者名芭蕉。以川中產者入藥爲良。江浙亦有之。

芭蕉

芭蕉一名芭苴。一名綠天。繫草木。高有二三尺許。大有一圍。葉長及丈。潤一二尺。舒一葉卽焦一葉而不落花。著莖末大如酒盃。形色紅如蓮花者名紅蕉。白如蠟色者名水蕉。其花大類兔牙。故名牙蕉。自中夏開至中秋方盡。子各爲房。實隨花長。每花一闔各有六子。先後相次。惟產閩粵者花多實。名甘露。味極甜美。子不俱生。花不俱落。子有三種。生時皆澀。熟則皆甜味如糖。

苟可療饑渴。羊可蕉子大如拇指長六七寸。銳頭黃皮味亦其美。牛乳蕉子類平乳味微咸。一種子如蓮子形。正方者味最苟。只可蜜浸爲點茶之用。種法將至霜降。葉黃後卽用稻艸裹幹。來春芽發時分取根。巨小條用油簪脚橫刺二眼。令洩其氣。終不長大。可作盆玩。性最喜暖。不必肥。其莖皮解散如絲。續以爲布。卽今蕉葛。

美人蕉

美人蕉一名紅蕉。種自閩粵中來。葉瘦似蘆。葉花若蘭狀。而色正紅如榴。日拆一兩葉。其端有一點鮮綠可愛。夏開至秋盡猶

芳堪作盆玩亦生甘露子。可以止渴。福州者四時皆花。色深紅。經月不謝。廣西者本不高。花瓣尖大。紅色如蓮。甚美。二月下子。冬初放向陽處。或掘坑埋之。如土乾燥則潤以冷茶。來春取出。則根自發。若千種不如分根。當年便可有花。又一種膽瓶蕉。根出土時肥飽。狀如膽瓶也。

十日紅

千日紅。本高二三尺。莖淡紫色。枝葉濃綠。夏開深紫花色。千瓣細碎。圓整如毬。生於枝杪。至冬葉淡紫而花不萎。婦女採簪於鬢。最能耐久。畧用淡礬水浸過。晒乾藏於盒內。來年猶然鮮艷。

子生瓣內最細而黑春間下種卽生喜肥。

香菜

香菜卽香薷一名蜜蜂草。方莖尖葉有刻缺似荳荊葉而小。九月開紫花成穗有細子。汴洛人三月多作圃種之以爲暑月蔬菜生食亦可又暑月要藥。

紫艸

紫艸一名紫丹。又名此葵。生陽山南陽新野及楚地其苗似蘭香莖赤節青。二月開花紫白色結實亦白。惟根色紫可以染紫。三月內種宜軟沙高。地性不喜木。勸種悉如治稻法。其利倍於

花錄

卷之五

有菜 菜州
蓼花 蘆花

聖

藍收時忌人溺及驢馬糞并烟氣能令色黯。

蓼花

蓼辛草也。有朱蓼、青蓼、紫蓼、香蓼、水蓼、木蓼、馬蓼七種。惟朱紫者葉狹小而厚，花圓結，葉而細長，約二寸許，枝枝下垂，色態俱妍，可為池沼水濱之點綴。若青蓼、香蓼，可取為蔬，以備五辛盤之用。至於馬蓼、水蓼，止可為造酒麴中所需，并入藥用。木蓼者見前。

蘆花

蘆一名葭，生於水澤，葉似竹箬而長，幹似竹長丈許，有節無枝。

葉范莖而生。花似茅。細白。作穗。根亦似竹筍。而節疎深。秋花發時。一望如雪。春取其勾萌。種淺水河濡地。卽生。

馥香

馥香。卽玄參。葉似芝蔴。又如槐柳。青紫細莖。七月開花。青碧色。隨結黑子。亦有白花。莖方大。紫赤色。而有細毛。其節若竹。高五六尺。葉如掌大。而尖長。邊如鋸齒。其根亦尖長。生青曰乾。卽紫黑微香。可入藥。

番椒

番椒。一名海瘋藤。俗名辣茄。木高一二尺。叢生白花。秋深結子。

儼如秃筆頭倒垂。初綠後朱紅懸挂可觀。其味最辣。人多採用。研極細。冬月取以代胡椒。收子待來春再種。

綿花

綿花一名吉貝。葉如樺。秋開黃花。似秋葵而小。植之者。餘不貴。高而多繁。結實三稜。青皮尖頂。熟如小桃。熟則實裂。中有白綿。綿中有黑子。亦偶有紫綿者。性喜高坑地。以白沙土爲上。未種時先耕三遍。至穀雨時下種。先將子用水浸片時。漉起以恩拌勻。每穴種五六粒。肥須用糞。麻餅。待苗出時。將太密者芟去。止留肥者二三苗。長成後不時摘頭。使不上長。則花多綿廣。至

於鋤草須勤。白露後收。繭以天晴爲幸。子可打油。葉堪餵牛。

禁宮花

禁宮花一名王不留行。又名剪金花。生泰山江浙及河近處。苗高七八寸。根黃色如薺。葉尖如小匙。頭亦有似槐葉。夏開花黃紫色。狀如鐸鈴。隨莖而生。結實如燈籠。草子殼有五稜。內包一子如松子。圓似小。可愛。河北生者葉圓。花紅。與此稍別。

著草

著草也。爲百草之長。生少室山谷。今蔡州上蔡縣白龜詞旁有之。其形似蒿。作叢。高五六尺。一本有二十餘莖。至多者四五

十莖生梗條最直獨異於蒿秋後有花出於枝端色紅紫如菊結實如艾子。一云著至百年則百莖共生一根其所生之處獸無虎狼草無毒螫上有青雲覆之下有神龜守之易取五十莖爲卜筮之用揲則其應如响產於文王孔子墓上者更靈取用以末大於本者爲佳天子著長九尺諸侯七尺大夫五尺士三尺如無著草亦可以荆蒿代之

細辛花

細辛花出華山者良一葉五瓣三開花紅狀似牽牛根可入藥

通草花

草一名活茺產於江南木高丈許葉如莧蘇作藤裏大如指
其莖大者徑三寸每節有二三枝扶頭出五葉六七月間開紫
花或白花莖中有瓢輕白可愛女工取以染色飾物最佳結實
如小木瓜核白瓢黑食之甘美或以蜜煎作菓其花上有粉能
治諸蟲癩惡毒

莧麻

莧麻在處有之夏生苗葉似葎草而厚大莖赤有節如甘藷高
丈餘而中空夏秋間莖裏抽出花穗繫七黃色隨梗結實殼上
有刺狀類巴豆黃青斑褐點再去斑殼中有仁嬌白如續隨子

仁有油可作印色及油紙用

吉祥草

吉祥草叢生畏日葉似蘭而柔短四時青綠不凋夏開小花內
白外紫成穗結小實。此花不易發開則主喜。凡候雨過分根
種易活不拘水土。或石上俱可栽。性最喜濕得水卽生。取伴
孤石靈芝清供第一。

白薇

白薇一名春草。生陝西及滁舒潤遼寧處。莖與葉俱青。頗似柳
葉。七月開紅花。八月結實。根似牛膝而短。可以入藥。

商草花

商草卽貝母也。出川中者第一。其次之莖葉俱似百合花類。銅鈴淡綠色。花心紫白色。與蘭心無異。根曰貝母。入藥治痰疾。

萬年青

萬年青一名藍澗。葉叢生。深綠色。冬夏不萎。其中人家多種之。以其盛衰占休咎。造屋移居行聘。皆曠小見初生。一切喜事無不用之。以爲祥瑞。口號至於結姻幣聘。雖不取生者。亦必剪造綬絹。肖其形以代之。又與吉祥草、葱、松四品並列盆中。亦俗套也。種法於春秋二分時分栽。盆內置之背陰處。俗云四月十四。

不金

十兩金

是時仙生日。當刪前舊葉。擲之通衢。令人踐踏。則新葉發生。必盛喜。壅肥土。澆用冷茶。

十兩金

十兩金一名續隨子。一名菩薩豆。生蜀郡處。亦有之。苗如大戟。初生一葉。端生葉。七中復出葉。相續而生。花亦類大戟而黃。自葉中抽幹。而開。實黃有殼。人家園亭多種之。